

Geiq ndaej cejdaih gou siujyoz bizyez le, couh bae youwzyenz ndaw mbanj dou son saw, dang boux lauxsae lwgnyez ndeu. Gou minghndei ndaej bae youwzyenz doeg bi saw ndeu, doeklaeng couh hwnj siujyoz doeg saw lo.

Youq siujyoz haj bi seizgan ndawde, gou mbouj dingq lauxsae gou gangj saek coenz vah bujdunghva vahgun gvaq. Seizhaenx, ndaw mbanj dou cijmiz ranz cunhcangj miz aen densigih saekndaemhau ndeu, moix ngoenz banfuemx cuengqhag seiz, gou itdingh guh ndei gij hongranz sat le, cij ndaej caeuq gyoengq doengzdoh itheij lumj mbin nei buet bae ranz cunhcangj liz mbanj gou miz cib leix loh gyaе haenx yawj densi. Ngamq bae yawj lij baenz, hoeng, bae lai le couh mbouj baenz lo. Aenvih yawj densi vunz daiq lai, mbouj miz dieg ndwn, daeglwgdaih cunhcangj couh hainduj sou ngaenz, de yienghneix guh daeuj doiq gyoengq lwgnyez dou, de rox gyoengq lwgnyez dou mbouj miz ngaenz. Aenvih ndaw daeh mbouj miz ngaenz, gou cijndaej ndwn youq baihrog ranz “yawj” densi lo, vah cix naeuz “yawj”, hoeng cungj yawj mbouj raen gijmaz, cij ndaej dingqdingq sing densi. Seizhaenx, gou youq baihrog menhmenh geiq ndaej haujlai vah bujdunghva Vahgun.

Seizhaenx, lauxsae yijvwnz gou dwg boux siujyoz seiq nienzgaep “bizyez” ndeu, mbouj yungh ngeix couh rox, vah bujdunghva Vahgun de baenzlawz lo. Couh yienghneix, daengz gou haeuj hagdangz guh lauxsae le, vah bujdunghva Vahgun gou hix lumj vah lauxsae gou. Miz haujlai hagseng doiq gou miz yigen, naeuz gou hwnjdangz gangj vah bujdunghva Vahgun cab Cuengh lai, dingq mbouj rox, gou couh doiq gyoengqde naeuz, gij genyij sou gou louz roengzdaeu, hoeng gou cij rox fat hing yienghneix lo. Hagseng gangj lai, yozyau lingjdauj gietdingh hawj gou bae hag Vah bujdunghva moq.

Mwh youq siujyoz guh hong seiz, gou baez daih’it gauj vah bujdunghva Vahgun ndaej 66.7 faen, gvaq geij bi



daeuj daengz cunghyoz, gou caiq bae gauj mbat ndeu, baezneix beij baez daih’it ndei, ndaej 73.7 faen, gyoengq lauxsae naenz, baenz ha, caiq

roengzrengz gauj baez dem, bimoq couh doenggvaq lo. Gou naj nyaeuq naeuz, cib bi ndaej 7 faen, caiq gvaq song aen cib bi, gou hix doiq roengzdaeu lo. Gou nanzgvaq lai lo, swhgeij mbouj youqgaenj, doiq lwghag

daeuj gangj, gou mbouj miz naj son gyoengqde ha! Gangj vah cab Vahcuengh cab Vahgveiliuj, yiengh lauxsae neix, baenzlawz bae son hagseng ha! Nguh lwg vunz bw.

Cab Cuengh, dwg gij saenqhauh vah daegbied Bouxcuengh raeuz, hawj bonjfaenh daiq daeuj haujlai simnyap, bouxwnq aeu daeuj guhcaemz guhriu. Vah bujdunghva Vahgun singmeh “g、k” mbouj rox, “j、q” mbouj faen, “d、t” mbouj doeng, “z、c、s” mbouj rox dwg bingz mbouj bingz, “zh、ch、sh、r” mbouj rox baenzlawz yiengh. Youq gyoengq beixnuengx doengzsaeh doxbang baihlaj, gou couh cuengq damj bae lienh doeg, hoeng, vanzlij mbouj baenz, sam coenz vah couh liz mbouj ndaej Vahcuengh, seiq gawq mbouj cab Cuengh couh mbouj cwxcaih, gou mbouj dwg daegdaengq caeuq vah bujdunghva Vahgun guhyak, cij dwg ndwenngoenz mbouj leix vunz lo, aenlinx caen dwg heux mbouj gvaqdaeu, fouzfap caeuq gyoengq beixnuengx Bouxgun beij lo.

(caengz sat)

Goenghoh Ngoenzseng Dangj

庆祝党的生日

□ Suh Dasingh / 苏大星

Bi it gouj ngeih it
Nditndat ciuq Nanzhuz
Daibyaui hoih ndaw ruz
Laebguh Gungcanjdangj

Daengngoenz ok baihdoeng
Nyumx hoengz dieg duzlungz
Ok boux Mauz Cwzdungh
Yinx gyoengqvunz baenaj

Cingjanghsanh gwzming
Daz beksingq fanndang
Guhcawj dawz gya dang
Angqyangz gvaq saedceij

Hengz dujdi gwzming

Reihnaz dingh bouxhoj
Nungzminz ndaej ciuqgoq
Gwzming doh hoenghhwd

Bing vunzdig daeuj humx
Seiq baez sumx(moeb) de baih
Baez daihhaj dingj caix
Dangj cij byaij cangzcwngh

Cunhyi hai vei yi
Mauz cujsiz guhdaeuz
Gwzming youh ndaej gouq
Caiq byaij haeuj roencingq

Cangzcwngh gvaq byanae
Caiq soemh bae diegnywj

Gvaq dieghoj diegfwz
Daengz Sanjbwz Yenzanh

Hoenx Yizbwnj daeuj ciemq
Giemq faeg de couh baih
Cawzraeg fanjdungbai
Gaijfang daengx guek raeuz

Gungcanjdangj dazyinx
Yinzminz dawz gya dang
Gwndaenj ndaej daezsang
Coh siujganh bae nyaemz

Laeb dangj gouj ngeih bi
Sinhoj vih Cunghvaz
Gyaез yinzminz miznaj
Ceih guekgya fouqgiengz

Yungzyen mbouj hawj bouxlingj-dauj swcigih saetmuengh, gyoengqde ndaem gofoed ngoenz ndei gvaq ngoenz, ngoenz lai gvaq ngoenz. Bi 1963 seizdoeng ndaem 1.1 fanh lai moux, ndawde naz ce ceh go’nywj-vahoengz 8800 lai moux. Bingzyaenz moux ok ceh 42.5 gaen, gaijbienq le Guengjsae baengh swngjrog gunghawj ceh dingz cingzgvang neix. Bi 1964 seizdoeng ndaem baenz 16 fanh moux, bi 1965 seizdoeng dabdaengz 22 fanh lai moux, ciemq dieggvangq nazhaeux 80%. Seizdoeng naz ndaem gofoed ngoenz gvangq gvaq ngoenz le, gij canjliengh haeux caemh ndaej daihfuk hwnjswng. Caengz ndaem gofoed gaxgonq, Yungzyen ndaem haeux ciengzgeiz dwg moux ok 500 lai gaen hwnjroengz, bi 1966 ndaej gyawj 1000 gaen, bi 1967 baenz le Guengjsae aen yienh daih’it moux ok mauhgvaq cien gaen ndeu.

Aenvih lingjdauj yawjnaek,

caengzcaengz sifan, yungh diemj daeuj daiq mienh, daengx gih gofoed fazcanj ndaej gig vaiq. Bi 1964, seizdoeng ndaem gofoed ndaej 400 lai fanh moux, bi 1955 demgya daengz 800 lai fanh moux, caemhcai q baujci z le siengdoi q onjdingh. Gyahwnj gij doenghgogai wnq, sojmiz gij dieg-gvangq seizdoeng ndaem haenx dabdaengz 1100 fanh moux baedauq.

Yungzyen youq gaiq “dieggimq”

sawq ndaem go’nywjvahoengz baenz-goeng caemhcai q youq daengx gih vaiqriengj fazcanj gij doenghgogai seizdoeng, ndaej daengz gak fueng-mienh yawjci m. Bi 1964, swngj Guengjdoeng ciuq gij cijsi Dauz Cau, cujci z le gij mizgven vunzgaemhong nungzyez swngj、digih、si、yienh haenx bae daengz Yungzyen ngonzyawj, caemhcai q daj Yungzyen bincingj le 200 lai boux gisuzyenz bae Guengj-doeng sonyinx ndaem gofoed.

Bi 1965, Guekgya Nungzyezbu iu gij boux lingjdauj mizgven bumwnz Anhveih、Huzbwz、Guengjdoeng、Fuzgen、Yinznanz、Gveicouh daengj swngj haenx, daeuj Yungzyen camgya aen Hoih Hong Ndaem Bwnhfoed Guengjsae, doxvuenh doxson gij gingniemh ndaem gofoed. Cunghyangh Sinhvnz Denyingj Ciben Cangj daegdaengq ingj liux gijluzben youq daengx guek senhconz.

(caengz sat)

Veiz Gozcingh Sangcieng Cawj-guenj Guengjsae Ngeihcib Bi

韦国清上将主政广西二十年

□ Hoz Saubangisii Cioz Siengzcoub Liuz Gingliuj Cioz Siengzzen hoiz